

U ME PAISI

S'avissi a fantasia rì lu pueta
e la maestranza c'avi lu pitturi,
mi nn'acchjanassi ncapu râ Nivera
e cci facissi n quatru ô me paisi.

Prima cci addipincissi i so palazzi
e-ttutti i chjesi cu i so campanara;
cci addipincissi a chiazza tal'e-cquali
e a Villa cumunali cu i so çiuri...

Rincapu cci pittassi lu castièddu
e, attuòrnu attuòrnu, tutti i so muntagni...
I vadđi cuòmu quannu è-pprimavera...,
i uòschira culura rì la stati.....

l'atièttira rî casi quann'è mmièrnu...
E-ssi num-m'abbastàssiru i culura,
l'addipincissi u stissu...: cu i palori

Enzo Romano